



REPUBLIKA E KOSOVËS-REPUBLIKA KOSOVA-REPUBLIC OF KOSOVO			
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS			
NEZAVISNI NADZORNI ODBOR CIVILNE SLUŽBE KOSOVA			
INDEPENDENT OVERSIGHT BOARD CIVIL SERVICE OF KOSOVO			
Pranuar / Dorezuar Primfjencë / Predato Received / Delivery		21.12.2018 vit god year	
Organ / Njesia Organ / Jedinica Org. / Unit	Nr. Prot: Br. Prot: Prot. No:	Shtojca Prilog Appendix	Sasia Kolicina Quantity
SKRMSICK	7890/2018		111



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Nr. 343 /2018

Datë: 15.11.2018

Në mbështetje të nenit 6 paragrafit 1 nënparagrafit 1.3, nenit 20 paragrafit 2, 4 dhe 5 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, nenit 10 të Rregullores Nr. 01/2018 për Punën e Këshillit të Pavarur Mbikëqyrës për Shërbimin Civil të Kosovës, nenit 3, nenit 4 paragrafit 1 nënparagrafit 1.1, nenit 5, nenit 16 paragrafit 1 dhe 2 të Rregullores Nr. 04/2018 për Procedurën e Monitorimit të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil, pasi shqyrtoi raportin me rekomandime për Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Zyrën e Presidentit të Republikës së Kosovës, Këshilli në mbledhjen e njëzet e tretë (XXIII) të mbajtur më datë 15.11.2018 mori këtë:

V E N D I M

1. Miratohet raporti me rekomandime i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Zyrën e Presidentit të Republikës së Kosovës.
2. Obligohet Sekretari i Përgjithshëm i Zyrës së Presidentit të Republikës së Kosovës për zbatimin e rekomandimeve në raport, brenda katër dhjetë e pesë (45) ditësh nga dita e pranimi të këtij vendimi.
3. Raporti me rekomandim i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Zyrën e Presidentit të Republikës së Kosovës, është pjesë e bashkangjitur këtij vendimi.
4. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas zbatimit të rekomandimeve në pajtim me këtë vendim dhe raportin.
5. Vendimi hyn në fuqi në ditën e nënshkrimit nga Kryetari i Këshillit.

Vendimi i dërgohet:

- Sekretarit të Përgjithshëm të Zyrës së Presidentit të Republikës së Kosovës;
- Udhëheqësit të Burimeve Njerëzore në Zyrën e Presidentit të Republikës së Kosovës dhe
- Arkivit të Këshillit.

Eshref SHABANI
Kryetar i Këshillit

Page 1 / 1



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorëzuar Prilimje/Prodato Received/Delivery		21.12.2018		viti god year
Organ./Njësia Organ./Jednica Org./Unit	Nr.Prot: Br.Prot: Prot.No:	Shtojca Prilog Appendix	Sasia Kolicina Quantity	
SKPMSHCK	7890	2018	1110	



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

RAPORTI I MBIKËQYRJES SË ZBATIMIT TË RREGULLAVE DHE PARIMEVE TE
LEGJISLACIONIT PËR SHËRBIMIN CIVIL

NË

ZYRËN E PRESIDENTIT TË REPUBLIKËS SË KOSOVËS

PËR VITIN

2017

Prishtinë, 2018



TABELA E PËRMBAJTJES

Hyrje	3
Funksioni i Mbikëqyrjes.....	3
Objektiva dhe metodologjia e mbikëqyrjes.....	3
Fushat e mbikëqyrjes.....	4
Raporti për mbikëqyrjen në Zyrën e Presidentit të Republikës së Kosovës.....	5
Organizimi i Brendshëm dhe të Dhënat e të Punësuarve.....	6
Procedurat e Rekrutimit dhe të Avancimit.....	6
Procedurat Disiplinore.....	7
Procedurat e Ankesave.....	7
Procedurat e Vlerësimit.....	7
Procedurat e Pushimeve.....	8
Procedurat e Transferimit.....	8
Të dhënat për përfaqësim etnik, gjinor dhe personave me nevoja të veçanta.....	8
Pezullimi, Ndërprerja dhe Përfundimi i Marrëdhënies së Punës.....	9
Papajtueshmëria në mes të ushtrimit të detyrës së nëpunësit civil dhe funksionarit publik.....	9
Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës.....	9
Trajnimi i Nëpunësve Civil.....	9
Vijimi në Punë, Pagat, Shtesat dhe Kompensimet.....	10
Zbatimi i Rekomandimeve dhe Vendimeve të Këshillit.....	10
Shënimet/komentet/konkluzionet e përgjithshëm për mbikëqyrjen e zbatimit të rregullave dhe parimeve të legjislacionit për shërbimin civil.....	10

HYRJE

Këshilli i Pavarur Mbikëqyrës për Shërbimin Civil të Kosovës (në tekstin e mëtejshëm: Këshilli) mbikëqyrë rregullat dhe parimet e shërbimit civil të Kosovës.

Baza ligjore për ushtrimin e funksioneve të Këshillit është Kushtetuta e Republikës së Kosovës, Ligji nr. 03/L-192 për Këshillin e Pavarur Mbikëqyrës për Shërbimin Civil të Kosovës, Ligji nr. 03/L-149 për Shërbimin Civil të Republikës së Kosovës, Ligji nr. 02/L-28 për Procedurën Administrative, Rregullorja Nr. 02/2016 për Punën e Këshillit të Pavarur Mbikëqyrës për Shërbimin Civil të Kosovës, Rregullorja Nr. 03/2016 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, Rregullorja Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike si dhe ligjet dhe aktet nënligjore që ndërlidhen me shërbimin civil.

Këshilli përmes mbikëqyrjes së zbatimit të rregullave dhe parimeve në shërbimin civil angazhohet që të sigurohet një administratë profesionale dhe efikase, sipas standardeve evropiane.

FUNKSIONI MBIKQYRËS I KËSHILLIT

Në pajtim me Ligjin Nr. 03/L-192 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike, përmes funksionit të mbikëqyrjes Këshilli bënë mbikëqyrjen e zbatimit të rregullave dhe parimeve të legjislacionit për shërbimin civil.

Për të ushtruar këtë funksion në mënyrën më të mirë, Këshilli ka miratuar “Udhëzuesin për procedurën e mbikëqyrjes së zbatimit të rregullave dhe parimeve të legjislacionit për shërbimin civil”, mbi bazën e të cilit edhe harton “Planin e Mbikëqyrjes” në kuadër të të cilit përfshihen një numër i Institucioneve të nivelit qendror dhe lokal, si dhe organe të pavarura dhe agjenci qendrore në kuadër të këtyre Institucioneve, plan ky i cili miratohet nga Këshilli në çdo fillim viti.

OBJEKTIVA DHE METODOLOGJIA E MBIKËQYRJES

Objektiva e mbikëqyrjes ka për qëllim monitorimin e zbatimit të rregullave dhe parimeve të legjislacionit për shërbimin civil. Me qëllim të përmbushjes së përgjegjësisve për realizimin e objektivës sonë kemi zbatuar një kombinim të mostrave sipas gjykimit dhe sipas rastit në përzgjedhjen e dosjeve, dhe jemi mbështetur në një lloj kombinimi të intervistave me zyrtarët e personelit, rishikimeve analitike, rishikimin e dokumenteve dhe verifikimin fizik për të vlerësuar vlefshmërinë dhe rregullsinë e zhvillimit të procedurave dhe respektimin e legjislacionit të shërbimit civil.

FUSHAT E MBIKËQYRJES

Këshilli, gjatë implementim të mandatit të tij lidhur me zbatimin e rregullave dhe parimeve të legjislacionit për shërbimin civil, ka përcaktuar fushat të cilat do të jenë pjesë e mbikëqyrjes në kuadër të Divizioneve të Burimeve Njerëzore dhe mekanizmave tjerë të Institucioneve të cilët janë përgjegjës për zbatim të legjislacionit të shërbimit civil.

Në këtë kuadër si pjesë e mbikëqyrjes janë:

- Organizimi i brendshëm dhe të dhënat e të punësuarve;
- Procedurat e rekrutimit dhe të avancimit;
- Procedurat disiplinore;
- Procedurat e ankesave;
- Procedurat e vlerësimit;
- Procedurat e pushimeve;
- Procedurat e transferimit;
- Të dhënat për përfaqësim etnik, gjinor dhe personave me nevoja të veçanta;
- Procedurat e pezullimit, ndërprerjes dhe përfundimit të marrëdhënies së punës;
- Papajtueshmëria në mes të ushtrimit të detyrës së nëpunësit civil dhe funksionarit publik;
- Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës;
- Trajnimi i nëpunësve civil;
- Vijimi në punë, pagat, shtesat dhe kompensimet;
- Zbatimi i rekomandimeve dhe vendimeve të Këshillit;
- Shënimet/Komentet/Konkluzionet e Përgjithshme për Mbikëqyrjen e Zbatimit të Rregullave dhe Parimeve të Legjislacionit për Shërbimin Civil

RAPORT PËR MBIKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL NË ZYRËN E PRESIDENTIT TË REPUBLIKËS SË KSOVËS

Këshilli, gjatë procesit të mbikëqyrjes së zbatimit të rregullave dhe parimeve të legjislacionit për shërbimin civil në Zyrën e Presidentit të Republikës së Kosovës për të vlerësuar drejtë në mënyrë të paanshme dhe të saktë gjendjen e ligjshmërisë së veprimeve të ndërmarra nga Zyra e Presidentit të Republikës së Kosovës përveç mbikëqyrjes së drejtpërdrejtë që ka zhvilluar gjatë realizimit të vizitës në Zyrën e Presidentit të Republikës së Kosovës me datë 28.02.2018, në prezencë të Udhëheqësit të Burimeve Njerëzore, si mostra për shqyrtim ka marr një mori të kopjeve të dokumenteve relevante, si në vijim:

- Rregulloren (P) Nr. 02/2016 e datës 09.09.2016 për Strukturën Organizative të Presidencës;
- Vendimin me Nr. 57/2017 i datës 21.11.2017 për themelimin e Komisionit Disiplinor;
- Vendimin me Nr. 32/2017 i datës 28.06.2017 për themelimin e Komisionit për Zgjidhjen e Kontesteve dhe Ankesave;
- Vendimin me Nr. 34/2016 të datës 14.09.2016, Vendimin me Nr. 348/2016 të datës 14.11.2016 dhe Vendimin me Nr. 2/2018 të datës 09.01.2017 për caktimin e Ushtruesit të Detyrës për pozitën “Drejtor i Departamentit të Informacionit dhe Komunikimit Publik”;
- Vendimin me Nr. 13/2017 të datës 11.04.2017 për caktimin e ushtruesit të detyrës në pozitën “Udhëheqës i Divizionit për Buxhet dhe Financa”;
- Dosjen e nëpunësit civil për pozitën “Udhëheqës i Njësisë për Ndërlidhje me Gjyqësorin”;
- Dosjen e nëpunësit civil për pozitën “Udhëheqës i Divizionit për Çështje Juridike dhe Kushtetuese”;
- Vendimin me Nr. 51/2017 i datës 31.10.2017 për lejimin e pushimit pa pagesë, Kërkesën për pushim pa pagesë e datës 27.10.2017;
- Formularin 3 për Planin Individual të trajnimit;
- Planin vjetor i trajnimit të nëpunësve civil;
- Kontratën për shërbimet të veçanta e datës 10.07.2017, 10.08.2017 dhe 10.11.2017;
- Marrëveshjen për shërbime të veçanta e datës 29.09.2017;
- Planin e Personelit,
- Listën e pagave muajin dhjetor 2017;
- Vendimin e datës 26.04.2017 për pagat dhe kompensimet 2017;
- Listën e vajtje ardhjeve e muajin dhjetor 2017.

Kolegji i Këshillit për mbikëqyrjen e zbatimit të legjislacionit për shërbimin civil, duke u bazuar në provat dhe dëshmitë e shqyrtuara për fushat e mbikëqyrjes të përfshira në “pyetësor”, ka konstatuar të gjeturat dhe ka dhënë rekomandimet përkatëse për zyrtarët përgjegjës të institucionit si në vijim:

1. ORGANIZIMI I BRENDSHËM DHE TË DHËNAT E TË PUNËSUARVE

Kolegji i Këshillit për mbikëqyrjen e zbatimit të legjislacionit për shërbimin civil, gjatë vizitës që ka bërë në Zyrën e Presidentit të Republikës së Kosovës më datë 28.02.2018, ka konstatuar që ky institucion ka në fuqi Rregulloren (P) Nr. 02/2016 e datës 09.09.2016 për Strukturën Organizative të Presidencës dhe është përfunduar klasifikimi i vendeve të punës. Në këtë institucion janë të punësuar 37 nëpunës civil, ndërsa pozita të lira janë pesë (5) nuk ka.

Gjatë vizitës Kolegji i Këshillit për mbikëqyrjen e zbatimit të legjislacionit për shërbimin civil ka shqyrtuar dosjet e personelit dhe ka konstatuar se janë shqyrtuar pesë (5) dosje të nëpunësve civil

ndërsa si kopje janë marrë tri (3) dosje atë për pozitën “Udhëheqës i Njesisë për Ndërlidhje me Gjyqësorin” dhe “Udhëheqës i Divizionit për Çështje Juridike” dhe në bazë të vlerësimit të gjitha dosjet personale ishin të kompletuara në pajtim me dispozitat ligjore në fuqi të nenit 4 dhe 5 të Rregullores Nr. 03/2011 mbi Dosjet dhe Regjistrin Qendror të Nëpunësve Civilë. Lidhur me dosjet e personelit kemi konstatuar këtë të gjetur:

Ushtruesit e detyrës: Kolegji duke u bazuar në dëshmitë e ofruara ka konstatuar se në këtë institucion gjatë vitit 2017 ka pasur dy (2) pozitë me Ushtrues të Detyrës (Drejtor i Departamentit të Informacionit dhe Komunikimit Publik” dhe pozitën “Udhëheqës i Divizionit për Buxhet dhe Financa”). Kolegji gjatë shqyrtimit të dosjeve ka konstatuar këtë të gjetur:

E GJETURA 1: Kolegji i Këshillit për mbikëqyrjen e zbatimit të legjislacionit për shërbimin civil, gjatë shqyrtimit të Vendimit me Nr. 34/2016 të datës 14.09.2016, Vendimit me Nr. 348/2016 të datës 14.11.2016 dhe Vendimit me Nr. 2/2018 të datës 09.01.2017 për caktimin e Ushtruesit të Detyrës për pozitën “Drejtor i Departamentit të Informacionit dhe Komunikimit Publik”, Vendimit me Nr. 13/2017 të datës 11.04.2017 për caktimin e ushtruesit të detyrës në pozitën “Udhëheqës i Divizionit për Buxhet dhe Financa”, konstaton se këto pozita me ushtrues detyre ka qenë për një periudhë kohore më shumë se tre (3) muaj.

Me këto veprime Zyra e Presidentit të Republikës së Kosovës ka vepruar në kundërshtim me dispozitat e nenit 30 paragrafi 4 të Ligjit Nr. 03/L-149 për Shërbimin Civil të Republikës së Kosovës, për sa i përket afatit kohor për ushtruesin e detyrës.

REKOMANDIMI 1:

Rekomandojmë Sekretarin e Përgjithshëm të Zyrën e Presidentit të Republikës së Kosovës që të ndërmarr të gjitha veprimet e nevojshme për eliminimin e shkeljes, që të respektohen të gjitha afatet ligjore lidhur me caktimin e ushtruesit të detyrës ashtu siç parashihet me dispozitat e nenit 30 paragrafit 4 të Ligjit Nr. 03/L-149 për Shërbimin Civil të Republikës së Kosovës.

2. PROCEDURAT E REKRUTIMIT DHE TË AVANCIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës ka përgatitur planin e personelit dhe gjatë vitit 2017, gjatë vitit 2017 nuk është zhvilluar asnjë procedurë e rekrutimit/avancimit. Po ashtu në këtë institucion janë lidhur dy (2) kontratë me marrëveshje për shërbime të veçanta për të cilat nuk është zhvilluar asnjë procedurë e thjeshtësuar e rekrutimit dhe nuk ka tejkalim të afateve, në këtë rast asnjëra nga marrëveshjet nuk është lidhur për pozita të shërbimit civil. Tek procedurat e rekrutimit nuk kemi konstatuar të gjetur, mirëpo tek kontrata për marrëveshje për shërbime të veçanta kemi konstatuar këtë të gjetur:

E GJETURA 1: Kolegji për mbikëqyrjen e zbatimit të legjislacionit për shërbimin civil, gjatë shqyrtimit të dosjeve të të punësuarve me marrëveshje për kryerjen e shërbimeve të veçanta, ka konstatuar se Zyra e Presidentit të Republikës së Kosovës për vitin 2017 ka pasur të angazhuar dy (2) të punësuar me marrëveshje për shërbime të veçanta pa zhvilluar asnjë procedurë të thjeshtësuar të rekrutimit.

Me këtë veprim Zyra e Presidentit të Republikës së Kosovës ka vepruar në kundërshtim me dispozitat e nenit 12 paragrafit 4 të Ligjit Nr. 03/L-149 për Shërbimin Civil të Republikës së Kosovës dhe nenit 18 të Rregullores Nr. 02/2010 për Procedurat e Rekrutimit në Shërbimin Civil.

REKOMANDIMI 1:

Rekomandojmë Sekretarin e Përgjithshëm të Zyrës së Presidentit të Republikës së Kosovës, që me rastin e lidhjes së Kontratave me marrëveshjeve për shërbime të veçanta, të veprojnë në pajtim me dispozitat e nenit 12 paragrafit 4 të Ligjit Nr. 03/L-149 për Shërbimin Civil të Republikës së Kosovës dhe nenit 18 të Rregullores Nr. 02/2010 për Procedurat e Rekrutimit në Shërbimin Civil pasi që duhet zhvilluar një procedurë e thjeshtësuar e rekrutimit.

3. PROCEDURAT DISIPLINORE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës në bazë të Vendimit me Nr. 57/2017 të datës 21.11.2017 për themelimin e Komisionit Disiplinor i cili është i themeluar me tre (3) anëtar të përhershëm me mandat dy (2) vjeçar që është në pajtim me nenin 70 paragrafin 3 të Ligjit Nr. 03/L-149 për Shërbimin Civil të Republikës së Kosovës, në bazë të vlerësimeve në këtë institucion nuk është iniciuar asnjë procedurë disiplinore.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

4. PROCEDURAT E ANKESAVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës në bazë të Vendimit me Nr. 32/2017 të datës 28.06.2017 për themelimin e Komisionit për Zgjidhjen e Kontesteve dhe Ankesave i cili është i themeluar me tre (3) anëtar të përhershëm me mandat dy (2) vjeçar që është në pajtim me dispozitat e nenit 82 paragrafit 3 të Ligjit Nr. 03/L-149 për Shërbimin Civil të Republikës së Kosovës. Në këtë komision nuk është parashtruar asnjë ankesë.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

5. PROCEDURAT E VLERËSIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës, ka bërë vlerësimin e rezultateve në punë për nëpunësit civil dhe nuk ka asnjë nëpunës të cilit nuk i është bërë vlerësimi i rezultateve në punë për vitin 2017 mirëpo gjatë shqyrtimit të dosjeve kemi konstatuar në dy (2) raste që vlerësimi i rezultateve të punës është bërë jashtë afatit ligjor. Në vitin 2017 për një nëpunës civil është bërë vlerësimi i periudhës provuese, në këtë rast lidhur me vlerësimin e rezultateve në punë kemi konstatuar këtë gjetur:

E GJETURA 1 : Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në dosjet personale për pozitën “Udhëheqës i Njësisë për Ndërlidhje me Gjqësorin” dhe për pozitën “Udhëheqës i Divizionit për Çështje Juridike dhe Kushtetuese”, ka konstatuar që vlerësimi i rezultateve të punës për vitin 2017 është bërë më datë 12.01.2018, që është jashtë afatit ligjor pasi që vlerësimi i rezultateve të punës duhet të kryhet deri më datë 31 dhjetor të vitit që vlerësohet sipas nenit 33 të Ligjit Nr. 03/L-149 për Shërbimin Civil të Republikës së Kosovës dhe 3 paragrafit 1.3, 1.4 dhe 1.5 të Rregullores Nr. 19/2012 për Vlerësimin e Rezultateve në Punës të Nëpunësve Civilë.

REKOMANDIMI 1:

Rekomandojmë Sekretarin e Përgjithshëm të Zyrës së Presidentit të Republikës së Kosovës dhe Udhëheqësit e Drejtëpërdrejt që për të gjithë nëpunësit civil vlerësimi i rezultateve në punës të kryhet deri më 31 dhjetor të vitit për të cilin vlerësohen sipas Ligjit Nr. 03/L-149 për Shërbimin Civil të Republikës së Kosovës dhe Rregullores Nr. 19/2012 për Vlerësimin e Rezultateve në Punës të Nëpunësve Civilë.

6. PROCEDURAT E PUSHIMEVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës evidencën e pushimeve të nëpunësve civil e mban në kopje fizike dhe elektronike, në vitin 2017 nuk ka pasur asnjë nëpunës që ka realizuar pushimin mjekësor, ndërsa pushim pa pagesë është realizuar nga një nëpunës civil i cili ka pasur kërkesë dhe është nxjerr vendimi duke u bazuar në dispozita të legjislacionit për shërbimin civil. Në bazë të vlerësimeve për të gjitha pushimet mjekësore, vjetore, pa pagesë janë respektuar dispozitat ligjore.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

7. PROCEDURAT E TRANSFERIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e presidentit të Republikës së Kosovës gjatë vitit 2017 nuk ka pasur asnjë transferim çoftë të përkohshëm apo të përhershëm.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

8. TË DHËNAT PËR PËRFAQËSIM ETNIK, GJINOR DHE PERSONAVE ME NEVOJA TË VEÇANTA

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit ka të punësuar 37 nëpunës civil ku 34 janë shqiptar, 1 goran, 1 turk dhe 1 boshnjak, prej 37 nëpunësve civil 16 janë femra dhe 21 janë meshkuj ndërsa një nëpunës civil është i punësuar nga personat me aftësi të kufizuara.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

9. PEZULLIMI, NDËRPRERJA DHE PËRFUNDIMI I MARRËDHËNIES SË PUNËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Zyra e Presidentit të Republikës së Kosovës, nuk ka asnjë nëpunës që gëzon drejtën e pezullimit të dakorduar të vendit të punës në shërbimin civil. Në bazë të vlerësimit të dosjeve një (1) nëpunës civil ka marr pushim pa pagesë, ndërsa nuk ka asnjë nëpunës civilë të cilit i është ndërprerë marrëdhënia e punës me dorëheqje, me shkarkim. Po në bazë të vlerësimit të dosjeve është konstatuar që asnjë nëpunësi civil nuk i është përfunduar marrëdhënia e punës për shkak të arritjes së moshës së pensionimit, për shkak (ushtrimit të detyrave për arsye shëndetësore, përfundimit të afatit për punësi me afat të caktuar, dënimin nga një gjykatë penale me vendim të formës së prerë).

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

10. PAPAJTUESHMËRIA NË MES TË USHTRIMIT TË DETYRËS SË NËPUNËSIT CIVIL DHE FUNKSIONARIT PUBLIK

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Zyrën e Presidentit të Republikës së Kosovës nuk ka asnjë nëpunës civil i cili në të njëjtën kohë mban pozitë të shërbimit civil dhe ndonjë post publik.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

11. TË DHËNAT NËSE NDAJ NËPUNËSVE CIVIL ËSHTË DUKE U ZHVILLUAR PROCEDURË PENALE OSE JANË DËNUAR ME VENDIM TË GJYKATËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Zyrën e Presidentit të Republikës së Kosovës nuk është duke u zhvilluar asnjë procedurë penale ndaj ndonjë nëpunësi civil po ashtu nuk ka asnjë nëpunës që është dënuar me vendim të formës së prerë të gjykatës.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

12. TRAJNIMI I NËPUNËSVE CIVIL

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës respektivisht zyra e personelit, ka përgatitur planin e trajnimeve në të cilin përfshihen edhe trajnimet po ashtu është përgatitur edhe Formulari 3 individual të trajnimeve, por dhe të cilat trajnime janë marrë parasysht nga Instituti i Kosovës për Administratë Publike, mirëpo në bazë të deklarimeve të Menaxheres së Personelit nëpunësit civil nuk janë të gatshëm të shkojnë në trajnime të cilat i organizon Instituti i Kosovës për Administratë Publike dhe disa nëpunës civil kanë ndjekur trajnimet, ndërsa nuk ka asnjë nëpunës që ka ndjekur trajnimet me pagesë. Për këtë fushë kemi konstatuar këtë të gjetur:

E GJETURA 1: Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se nëpunësit e Zyrës së Presidentit të Republikës së Kosovës nuk vijojnë trajnimet që organizohen nga Instituti i Kosovës për Administratë Publike.

REKOMANDIMI 1:

Rekomandojmë Sekretarin e Përgjithshëm dhe Menaxherin e Personelit të Zyrës së Presidentit të Republikës së Kosovës, që të ndërmarrin të gjitha veprimet për zbatimin e nenit 35 të Ligjit Nr. 03/L-149 për Shërbimin Civil të Republikës të Kosovës lidhur me ngritjen profesionale e nëpunësve civile.

13. VIJIMI NË PUNË, PAGAT, SHITESAT DHE KOMPENSIMET

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës, vijimin në punë e mban në formë fizike. Po ashtu në bazë të shqyrtimit të listës së pagave konstatohet se të gjitha pagat realizohet në pajtim me akt emërimet, ndërsa shtesa në pagë gëzon Zyrtar i Teknologjisë Informative.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

14. ZBATIMI I REKOMANDIMEVE DHE VENDIMEVE TË KËSHILLIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Zyra e Presidentit të Republikës së Kosovës në vitin 2017 nuk ka pranuar ka pranuar asnjë vendim të Këshillit. Zyra e Presidentit të Republikës së Kosovës në vitin 2017 është monitoruar për vitin 2016 dhe janë dhënë katër (4) rekomandime dhe prej tyre rekomandimi Nr. 1 dhe 4 janë adresuar ndërsa rekomandimi Nr. 2 dhe 3 nuk është adresuar.

15. SHËNIMET/KOMENTET PËR MIBKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL

Kolegji i Këshillit gjatë shqyrtimit të të dhënave të dosjeve për fushat e mbikëqyrjes, ka konstatuar katër (4) të gjetura dhe ka dhënë katër (4) rekomandime.

Këshilli i Pavarur Mbikëqyrës për Shërbimin Civil të Kosovës, rekomandon menaxhmentin e lartë të Zyrës së Presidentit të Republikës së Kosovës, që **gjetjet me rekomandimet** e dhëna në këtë raport t'i adresoj dhe së bashku me njësitë përgjegjëse të sigurojë që të ketë zbatim të plotë të legjislacionit për shërbimin civil, sidomos duke pasur një fokus të veçantë për fushat për të cilat janë evidentuar shkelje dhe lëshime në zbatimin e procedurave dhe legjislacionit për shërbimin civil.

Raporti i dërgohet:

- Sekretarit të Përgjithshëm të Zyrës së Presidentit të Republikës së Kosovës;
- Udhëheqësit të Personelit të Zyrës së Presidentit të Republikës së Kosovës dhe
- Arkivit të KPMSHCK.

Gjylinaze Gola

Kryetare e Kolegjit

Aydyi Bekteshi

Zyrtar i Lartë për Bashkëpunim Profesional

